

OKVIRNI SPORAZUM

*Za nabavku medicinskog materijala, dezinfekcionih sredstava, pelena i dr. –
LOT 10. Pelene za odrasle za potrebe korisnika KJU „Dom za socijalno zdravstveno zbrinjavanje osoba sa invaliditetom i drugih osoba”*

Zaključen između:

1. **Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba”** sa sjedištem u Sarajevu, Nahorevska 195, koju zastupa v.d. direktora Ovčina Husnija, Mr. Politologije / u daljem tekstu: **Naručilac** /
i
2. **„BAUERFEIND“ doo Sarajevo**, ID broj 4263322900002, adresa ul. Bulevar Meše Selimovića broj 19., koju zastupa direktor Ličina Rifat /u daljem tekstu: **Dobavljač** /

UVOD

Član 1.

Na osnovu provedenog otvorenog postupka javne nabavke medicinskog materijala, dezinfekcionih sredstava, pelena i dr. - **Lot 10. Pelene za odrasle** Ugovorni organ je Odlukom broj: 27-1684-2/20 od 22.09.2020. godine odabrao ponudu Dobavljača broj 632-9/20 od 01.09.2020. kao najbolje ocjenjenu ponudu nakon provedene e-aukcije u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na nabavku roba od Dobavljača. Obaveza nastaje zaključivanjem pojedinačnih ugovora o javnoj nabavci na osnovu izvornih uslova za zaključenje ugovora navedenih u ovom okvirnom sporazumu.

PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je utvrđivanje uslova za sklapanje pojedinačnih ugovora o javnoj nabavci s Dobavljačem za nabavku **Lot 10. Pelene za odrasle** za potrebe korisnika KJU „Doma za socijalno zdravstveno zbrinjavanje” prema tenderskoj dokumentaciji i ponudi Dobavljača te uslovima utvrđenim tenderskom dokumentacijom i ovim Okvirnim sporazumom, u skladu sa potrebama Naručioca.

Ovaj Okvirni sporazum se zaključuje na period od obostranog potpisivanja Okvirnog sporazuma do 31.12.2022. godine i tokom navedenog perioda predviđa se zaključenje pojedinačnih ugovora o javnoj nabavci u zavisnosti od stvarnih potreba naručioca i obezbjeđenih sredstava za finansijsko izvršenje pojedinog ugovora o javnoj nabavci.

CIJENA

Član 3.

- Ukupna vrijednost ovog okvirnog sporazuma (bez PDV-a) iznosi : **5.142,48 KM**
- PDV (17%) iznosi: **874,22 KM**
- UKUPNA VRIJEDNOST/CIJENA (sa PDV-om) iznosi: **6.016,70 KM**

USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Ponuđača iz člana 1. stav 1. ovog Okvirnog sporazuma i moraju biti nepromjenjive za čitavo vrijeme trajanja okvirnog sporazuma.

Član 5.

Nabavka roba iz člana 2. Ovog okvirnog sporazuma će se vršiti u skladu sa potrebama i zahtjevima Naručioca i bit će regulisana pojedinačnim ugovorima.

Isporuka roba će se vršiti sukcesivno /sedmično ili mjesečno/ prema zahtjevima i potrebama Naručioca u roku od 2 radna dana od dana ispostavljanja narudbenice.

Mjesto isporuke roba je sjedište Naručioca ul. Nahorevska broj 195. Općina Centar – Sarajevo.

Član 6.

Naručilac će vršiti plaćanje na osnovu ispostavljenih faktura Ponuđača.

Naručilac će izvršiti plaćanje fakture iz stava 1. ovog člana u roku od 60 / šezdeset/ dana od dana dostavljanja ispravne fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

OBAVEZE I ODGOVORNOST PONUĐAČA

Član 8.

Ponuđač se obavezuje izvršavati isporuke roba savjesno i odgovorno, na način određen ovim Okvirnim sporazumom sa pažnjom dobrog privrednika.

Ponuđač se obavezuje da će ugovorene robe isporučiti u skladu sa tenderskom dokumentacijom i prihvaćenom ponudom.

Ponuđač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 9.

Ponuđač je, u smislu osiguranja izvršenja obaveza po ovom okvirnom sporazumu obavezan Naručiocu dostaviti garanciju za uredno izvršenje ugovora / dobro izvršenje posla u iznosu 10 % ukupne vrijednosti okvirnog sporazuma, sa rokom važnosti garancije: od dana stupanja na snagu okvirnog sporazuma do 31.12.2022. godine.

Član 10.

Ponuđač će garanciju iz prethodnog stava dostaviti u roku od 7 dana od dana zaključivanja/obostranog potpisivanja ovog okvirnog sporazuma. Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni okvirni sporazum će se smatrati apsolutno ništavim.

OBAVEZE NARUČIOCA

Član 11.

Naručilac se obavezuje saradivati sa Dobavljačem tokom izvršenja isporuka roba i povremeno ga informisati o relevantnim činjenicama koje bi mogle utjecati na izvršenje ugovora.

Naručilac se obavezuje Dobavljaču platiti ugovorenu cijenu za izvršenje isporuke roba na ugovoreni način i u ugovorenom roku.

U slučaju eventualnih propusta Dobavljača u izvršavanju isporuke roba, Naručilac se obavezuje odmah po uočavanju propusta dati Dobavljaču prigovor u pisanoj formi.

RASKID OKVIRNOG SPORAZUMA

Član 12.

U slučaju da Dobavljač ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

RJEŠAVANJE SPOROVA

Član 13.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

SASTAVNI DIJELOVI OKVIRNOG SPORAZUMA

Član 14.

Sastavni dio Okvirnog sporazuma je ponuda Dobavljača - Bauerfeind Obrazac za cijenu ponude – Lot 10 – pelene za odrasle, Ponuda broj: 632-9/20 od 01.09.2020. godine, koji odražava smanjene cijene nakon provedene e-aukcije.

STUPANJE NA SNAGU OKVIRNOG SPORAZUMA

Član 15.

Ovaj okvirni sporazum stupa na snagu danom obostranog potpisivanja.

Ukoliko ugovorne strane ne stave istovremeno svoj potpis, okvirni sporazum stupa na snagu danom stavljanja posljednjeg potpisa.

Ovaj okvirni sporazum se zaključuje na period do 31.12.2022. godine bez mogućnosti prečutnog produženja istog.

Član 16.

Okvirni sporazum je sastavljen u 4 /četiri/ istovjetna primjerka, od kojih se ugovornim stranama uručuju po 2 /dva/ primjerka.

NARUČILAC:
Kantonalna javna ustanova
„Dom za socijalno zdravstveno zbrinjavanje
osoba sa invaliditetom i drugih osoba”

Ovčina Husnija, v. u. direktora



DOBAVLJAČ:
„BAUERFEIND“ doo

Ličina Rifat, direktor



Broj: 27- 1866 /20
Datum: 13.10.2020.

Broj: 799-10/20
Datum: 15.10.2020. godine